

橘

洲

文

集

橘洲詩文。高詒簡古。有
作去之風。予少年誦
之。實深。跋養自是片言
集字。率訪尋之。久而
成編。不敢自閔。敬命工

履版以廣其傳。是志徐
君樹劍之義也。

嘉定攻元仲壽任通州
狼山凌雲叟墨觀樓書

橘洲文集目錄

卷第一

賦 楚辭 古詩

卷第二

律詩

卷第三

律詩

卷第四

詩

卷第五 記

卷第六

記序跋

卷第七

雜文跋贊

卷第八

榜疏

卷第九

榜疏

卷第十

記序銘

橘洲文集卷第一

木犀賦

佳生月窟其大幾何下隕桂子直東南柯誰其之植
被于巖阿邁群芳以孤往粲一笑之微渦轉金粟之
溥溥峙綠雲之裁裁不以色誇而以香勝匪夫人而
則那吾嘗惟楚人貴辛夷而友杜若棄老臣於汨羅
又嘗惟越人私末利而嬖山礬遣西子而之它是皆
小大倒置美惡立辨得使人窺其室者袂屬而肩摩
至於燕趙齊秦之地象犀珠玉之產彼夜半有力者
負之而走吾誰而禁呵不若我秋風兮揚波月明兮

才以三集卷一
珮珂沉寥兮天宇露零零兮濯磨如坐衆香之津如
遊百花之圃而髮毛肉骨無復於沉痾或曰伏謝一
指如子之語亦幾幻訛予曰不然此吾家造物無盡
歲也不戚戚於已懟不汲汲於當歌如屈信之適然
無毫釐之或蹉客喜而拜予亦起舞亂黃踏藉同遶
樹以婆娑

嗣秀王生日楚辭代人

攝提之歲兮厥月惟寅冀誰商略兮六莢發春揆王
初度兮箕橫翼陳紛吾先驅兮康護帝茵謂太平
本無象兮何爲而生鳳麟執蘭之九畹兮蕙茝同芬

河潤九里兮其源駿奔春風兮桃李芳菲菲兮襲人
綬纍纍兮萬石孰前脩兮後塵闕風兮縣圃歸來兮
隱淪芟車兮荷屋倚桂枝兮輪囷闢韶兮屢舞鳳將
九子兮其來下玉節兮旌幢世世兮茹土職道德兮
維垣友夔龍兮方虎鼉騁兮扶桑夕望舒兮延佇援
北斗兮爲觴飲南山兮墜露製芙蓉兮裳衣佩水蒼
兮陸離采芳馨兮杜若遺雲仍兮以時問喬松兮安
在將並駕兮焉之植大椿兮八千爲歲方蘖芽兮吾
其庶幾

上魏南夫丞相代人

浩如都會，歲槃槃，靜若江漢，捐濤瀾，公手不動，安如
山，人在廣莫行，寬閑昨朝濟，戒謁帝，還精禱，默際天
人間，風雨燠寒，吾臂端此道不遠求，諸難異時談，笑
聞斑斑王門至今人，扣關翕然四海忘，家豔父歌母
嬉兒團圓，深耕孰，耰輪上官倉廩，府庫堆層巒，下窺
王謝規摹，慳蜀山，萬里逾人寰，桃李不識春風，頰殘
膏自可蘇，痺頑真宰於我，夫何瘼，百身報以期，嚙環

梅花

春風不念人，寒搞故遣梅花，為掀倒，溪間隴首欲歸
時，月淡雲低著，香惱豈知造物亦兒戲，我苦學詩，嫌

不早十分孤瘦爲誰妍一樹半開應更好竹君從旁
代渠說萬恨千愁俱一掃半生何遜夢可憐日暮西
湖心獨老歲寒鐵石乃吾事水仙弟兄誠小草更須
喚取謫仙來細與平章荅蒼昊

和史魏公秋日

山淨晚餘碧花深秋更紅向來歌舞地道德元冲融
委身如蒹葭不亂魚鳥叢客至無少長可人斯與同
披衣坐良夜一嘯聞剛風何侶餉佗國頗伽蒲盛空
屬談有類是吾道何由窮此意識未解却須呼三公

和史魏公荷花

木沙之集卷一
瀟然獨出，泥濘外不待好風，相濯磨紅如咸池浴朝
日，瑩若璧月沉秋波，強將國色鬪清絕，輒莫天人誰
敢過香閭容我小舟入，不怕鴛鴦驚棹歌。

和李中甫知錄採蘭

鬢鬢林莽孰藝其蘭，東風人羣俛仰棘間薜荔旣艾，
辛夷未繁寂寞前脩，嗟秋孔顏藉爾芳芷，醫余國瘡
我懷斯人，碧梧紫檀荏苒歲月紛芳白顛十步聞薌
五步不慳，佩幃幽幽騏驥在閒，未春叩戶首荷蒲盤
曾知閣相宜堂

竹不解俗語，頗識天語，香經年北窻，夢十倍西湖涼。

隱兀湖上人，恰恰脩竹長。有時共竹語，風雨撼一床。
屋閒恐飛去，著繡圍上方。念君愛目心，如愛竹在傍。
亦如夜深月，照我冰雪腸。閑官固自好，要地庸何傷。
約束萬卷書，提携雙錦囊。日邊有新宅，不種一畝桑。
朝回碧幢底，真上相宜堂。

和史魏公燔黃

東城十月天未霜，小輿初學江濫觴。出門千乘波低
昂，酒壚厨傳公爲航。潛魚出聽笑語香，月明夜避燈
燭光。羲和催日升扶桑，擊鼓駭駭旗央央。天機蒲湖
雲錦張，青山十里松髯蒼。下有種玉人，堂堂公如晨。

興拊公床再拜有詔來帝行溫詞寶墨俱琳琅此不

肖子七不違

此太師祝詞中事

錦標玉軸家襲葳敬薪誠火來

燔黃須臾樂作三獻嘗山川鬼神如抑揚草間翁仲
涕泗滂聖恩寬大不可量天子謂公國津梁如泰山
雲覆其陽公九頓首不敢當崑崙源深流且長公祈
寵靈德不忘忠孝乃可環吾傍周用禮樂須文章世
世報國如其吮壽公千歲沆小康尚可憑軼還侵疆

病餘用前韻呈魏公

蓬萊仙人覆鬢霜有蔬豆酒一觴長歌勸客聲激
昂車如流水門如航幾生道德爲腥香今年入謝朝

明光歸心有如三宿桑抱琴一笑江中央日余此琴
吾翕張越山入手脩眉蒼不容散花來後堂毗耶室
空唯一床誰家金釵十二行春風環珮鳴瓊琅斯須
吐握曾未遑自謂山穩舟深歲不知有力來昏黃如
人裹飯不得嘗吾寧萬籟同敷揚四時花雨仍紛滂
山高水深未易量可人啼鳥聲遶梁六窗濯濯如秋
陽天人境界誰適當我自鞿線無他長唯餘習氣不
可忘有時睥睨如無傍爐熏茗椀供平章一機直欲
春其吮戰酣意定心泰康依舊爾界還吾疆

古詩

訪孤山林和靖梅塢陳迹

西湖湖水清，可與孤山山人瘦有餘。梅花五更清夜
夢，周易一卷前身書。經年竹戶與僧語，僧房遶湖三
百區。客來放鶴未忍去，更爲脩竹聊須臾。衡山道士
古鬚髮，苦語不似公。膚腴芙蓉爲裳，月爲佩，荷芰結
屋游龍車。朝馳八紘，莫四極上挈太古中。唐虞子房
自是赤松，後淵明初無彭澤。趨平生自謂公不死，竟
不一見成空虛。買舟今夕定不寐，直恐長嘯來清都。

悼明教嵩禪師并引

異時嵩公著書於永安，雖山中草木亦可愛。

敬某歲晚依此事公如生再拜作詩信追慕
之意

旋縛陰崖屋去，裹北山，飯飢寒十萬，讀甚盛，若禁巒
南越，古象犀，明月萬金產，逢人不易售，一見待天眼。
我馬幾覆車，公乃獨力挽，襄羊萬夫上，直往勢不返。
白首不願餘光明，自優遠晚生，旣浪出壁間，識怒面。
未能續公書，聊爾執役賤，更須酌巖泉，隻字日三嚙。
游參寥泉懷東坡參寥二老

兩翁無恙時，泉當幾何深，公歸百年後，泉沒不可尋。
道德載下丘，行人知所欽，流傳一語妙，隨喜文字淫。

木沙下集卷一
夢語忽變滅寤為真實音堂堂萬鍾簞日莫西湖陰
我欲撼一翁以慰邦人心斯人如斯泉鬼來月同臨
天高無消息淚落青楓林

送費恭父

擔頭蜀貨無錙銖兩籠只載先君書但知不敗乃翁
事報與不報君何須濯注一日新生駒黃金羈勒安
用渠西風千里飽芻秣養此汗血傾京都我營北山
瓜芋區君來飲水同飯蔬明朝笑出白雲去我恐塵
土粘君鬚就中行李愁僅奴一束詩藁牛腰籠是誠
癡絕天下無此子費子西歸圖

送黃給事帥湖南

西山東觀間事豈止載筆爲郎幾黃昏竟亦坐無術
平生瀝肝膽辛苦忘蔗汁一飲不下咽再思冷入瘡
向來活國手試寸功倍尺洞庭豺虎群使者風退鷁
此行天近遠宣室夜虛寂我亦如孤雲它山或相覓

登石頭城

春潮不到石城脚十丈樓船淺沙閣楚夫袞入秦淮
流白日黃塵亦冥漠胡兒走馬沙上歸青兕豪猪載
纒索旌旗不動弓矢閑百金瑋琫作瓔珞龍盤虎踞
天地靜稽首清明可終託當時被髮飲此水鐵騎如

木沙二集卷一
山照秋郭鳥驚獸駭人莫知天欲以血洗伊洛三山
砥礪水濯磨萬夫相望在鷓鴣東風兩鬢今蕭蕭何
當以此叩寥廓

病寓靈芝寺夜聞講律有作

鐘鼓考擊殷夜床我方咽藥不下吭苦思一語緩吾
縛重遭縛急如縛羊平生兩眼大如鏡白首讀律無
精光商君入秦禍始大文武之道幾滅亡文人廢經
寧廢律何者百穀無稻梁春風二月錦官寺夢逸十
年新學場蓮房密室僅千講傳疏狼籍酬朱黃如恒
山蛇救首尾弗學飢鼠吟空牆我生不願文字習亦

不願學屠龍，方半窻睡美。君勿聒，自有雲月供平章。
為史魏公壽。

自公山中去，五醉黃金花。光明照屋廬，母子雙鬢華。
口不名一錢，意將飯胡麻。天人豈不慧，用舍各有以。
曾中五色石，無補山水涯。譬如九鼎重，以國不以家。
寄聲謝東海，多多壽流霞。明年鳳池日，相近當無諍。
送廬山茶與陳大監。

廬山瘦入骨，草木無華滋。啼鳥消息真，春風僅如斯。
山翁少潤色，玉雪空自奇。舌端有小苦，諫味頗似之。
密雲天人際，一金無半規。譬如膾鱗鳳，雖貴不伐飢。

午窻萬松聲清寒初上眉口香唾爾紙真是活國醫
爲我只飲此勿飲甘如飴

送楊梅

午樹碧雲合星虛紫微垣赤叱風露香遶齒冰雪温
六月瘴霧濕荔枝照黄昏江鄉有此族亦墮梅雨村
白日走巖谷紅塵傾市門相如有酒渴取蜜傾銀盆
一賞風味足無使妨盤餐

送李提幹兼簡李知幾太博

伯仲天下士慣識山中飢幾年食君粟一飯書百匙
謂此真飽否此飽誰安之伯氏昔在京飯瘦崖書肥

至今方舟上兒啼婦褰衣仲氏亦遠來裹糗復能美
賣金買書無僕夫輟晨炊安能問飢飽自信了不疑
歲晚盡行道西風頗勸歸大賢事業定試學摩腰圍

上葉丞相

天子五載登群公今年執圭殊有容帝前興俯丞相
同金右一律鳴黃鍾君目合德通无穹四方和氣來
溶溶仲山之袞歸彌縫隻手可以扶六龍甲兵淨洗
天河空獄市芳自移簾櫳太州小縣寬租庸婦閑夜
織農星春性肥酒香歌歲豐官事生理無缺供粟廉
渾厚俱成風無心造物真天工民生西南如蟄蟲閉

戶不見雷充充願公一震驚群孽其也蘇息還里
中載歌盛德昭無窮

送判院揚道夫

君詩如周郎年少新將兵阿瞞不及語夜半火到明
金屋小喬在國色傾入城不見今十年詩已如此成
愈談聽愈好俗間未能評石渠苦無詩日者上意傾
西南老自去不復聞姓名公今賦渝州將與山月鳴
亦須慰華髮過家濯塵纓我有一紙書山林爲子情
黃金作人累珍重煩寄聲

書四祖大醫巖

太醫巖巖石所護太醫無恙石無故此時醫去石亦
墮我知造物本無迂一生老脇不即床更欲得飽知
無方禹三過門不及室僅有一髮傳之湯丈夫事難
有如此子嘗折肱父墮齒我寧忍死不忍欺坐聽寒
巖落松子東山舊食西山薇許身長作山中歸白頭司
馬有家法童子雖弱勝吾衣我來拊石三慟哭莓苔不
驚雨新沐山空寂寞醫不來蚍蜉大樹空崔嵬

觀潮行

八月十八錢塘時潮頭攪海雷怒飛更遭風白薄於
帛海山數點青依依爛銀斜侵雲鬢脚生絹直下數

人機玉龍宛轉一千丈，日暎殘雪吹人衣。天關擊鼓地軸折，想見水府驚顛。隋紅幡綠蓋弄潮者，出沒散亂同鳧鷖。操舟之子誇第一，倏忽東湧還沉西。萬人柳榆等見戲，我說性命如湯鷄。似聞潮生到彭蠡，祖輓暗浪中黃泥。不知珠宮貝闕何世乃，居此亦有霓旌素節。日夜朝京師，又疑春秋戰罷兩螭角。凍血不洗鋒差差，至今官渡賣牌者，莫雨不管吳儂悲。

和史魏公荔枝韻

炎州草木誠可憐，荔枝六月生蠻煙。瞿瞿不出盛明世，星斗一粲黃昏天。懂懂翠蓋下平地，井井絳憤羅

群仙囊封白玉倍晶瑩手挹甘露加清圓檳榔却悞
染猩血未利更欲薰龍錢可入風味自不惡動地聲
價來何年楊梅盧橘定日妾河豚瑤柱微芳鮮故家
奕世富青紫石蜜一味忘中邊傳聞火山攷下下似
隔秋水餘娟娟南人兒時解評品北客老去空流涎
紅塵一騎煩笑粲黃屋萬里驚回旋豺狼不厭林甫
肉海嶽空帶胡兒羶交州驛置遺毒在洛陽花事相
珠連吾曹豈不識天意尤物自是生海壖長安道近
子午谷閩粵歲駕東南船色香味變只三白風馬牛
奔須數千只今上方亦玉食不忍束帛疲民編冰盤

恰恰薦親壽，頽汗納納愁。夫肩秋來銜子，定鴻鵠日
莫得飽同鳥，鷲錦衾何必卷。還客我自與汝，心安然
送汪仲嘉尚書帥隆興兼簡王公明樞密。

又冬十一月方歲除適當公歸開府初汝儼前驅土牛
後我天子律公吹噓臂端橐籥元自如與民歲年無
負租民瘼望公不願餘願公夕馬先朝車高身大纛
如浴鳧出沒千里來哺鵝西山莫雨知有無使君兩
眼吞江湖廬山老子霜髯鬚如世界閱造物爐兩翁
故人肯情踈誠知握粟不可呼待作二鳳鳴韶圖

送張漢卿左藏

溪間曾語離，夜雨忽悲壯。俄頃山月明，照我蓬背。上
歌枕念此行，變化或萬狀。江湖大圓鏡，有此白鳥樣。
公言早蛭奇，平處謝隄障。劃嚴如行師，百萬未可傍。
疇昔聚可聞，發此無盡藏。我飢寒欲死，甘露挾繒纒。
目視飛鴻早，未易蒙此貺。西風東書至，關戶問亡恙。
吾事公所知，它人雜嘲謗。

瑞巖行者爲華嚴經求僧

荷屋老子僧中龍，平生眼裏無諸公。莫年愈覺氣深
穩，木寒霜淨天無風。羯來精進復精進，焚香却掃大
圓鏡。數十萬偈堆如山，從頭一唱一加敬。波瀾散入

諸子中華藏海與川源通秋毫重紙快收拾百城烟
水行無窮善財再見文殊日一臂黃金摩頂訖選佛
場中及第歸便是西來好消息石林道與靦峯齊老
師晚與諸孫期雲霄羯鼓到汝手打底打弓吹底吹

題李磐庵西潛圖

何人意行山水重草木驚笑來天風苑簷鷄飛犬吠
屋屐聲疾奏隣家翁逢迎初非乃翁事益益淨潔將
無同一犁春雨飽膏沐千頃秋日加曠曠恭惟耕稼
我自出敢與造物論豐凶樹間井亦頗寒冽門前石
不頽磨礪願公藉石飲此水鴨猪肥大牛羊豐杖藜

吾父坐吾祖，日望四海寬。租庸太平果，在放船手此。
詩與畫當無窮。

為張功父賦寒綠

君家故多書，餘地着寒綠。食單到尚懸，墻小摘杞菊。
霜畦新雨餘，柔條已三沐。貴不數熊蹯，芳鮮落吾腹。
口香唾重紙，細字煩記錄。平章三百篇，焜耀五千讀。
辛夷與杜若，百世亦目僕。士飢固其常，吾事已可卜。
歸來一粲然，毋待髮曲局。

為高芝大卿壽

江南江北梅雨村，山東山西將相門。謝天為產此英

傑一洗瘴霧中黃昏，斯文槃槃古都會。象犀珠玉如
雲，中富商巨賈不易售。獨許王謝窺藩垣，周家草木
本忠厚。幾遭雨橫春風顛，試將尺筮付其手。定御六
轡馳幽燕，天回地轉誠有日。小屈早蓋仍朱轡，風流
太守民父母。向來獄市多平反，圓扉寂寞度晴書。鼠
輩亦復環諸孫，太平無象此其象。亟輓畫鼓當華軒，
黃金百鎰錦千兩。半以壽客餘歌罇，功名富貴兩成
就。我亦鷄犬隨騰騫。

橘洲文集卷第二

律詩

謝陳思遠畫山水

莫年愛山心已作鐵樣頑，晨光與意會起行適。滄灣
峽深石固削，水落樹自閑。腕中百斛力，屋底聲潺潺。
爲王師宣子壽

風入床琴帝夢闌，蓬萊爲輟老仙官。袖曾有縛於菟
手，頭不須簪獬豸冠。桃李無言民自樂，冰霜折指吏
應寒。西京人物如南渡，更躡三主一等看。
已辦香山鐵石心，未妨富貴日侵尋。荔枝黃壓腰圍

重琥珀紅添，盞暈深。鸞鏡黛眉無，此畫鴈行銀甲有。
餘音賸呼歌舞，爲君壽。壽道眼何曾，外物侵。

爲王公明樞密壽

老子當年此日生，麒麟元在地中行。豈惟謬謬人爭
忌，亦對堂堂目，屢驚持國尚。卑千斛力，總我曾作萬
夫城。經綸不似書癡絕，堪與君王造太平。

送呂澤父

姓名元自徹東都，舊日河南肯便踈。利害總關天下
事，聰明不惑枕中書。花迎馬首渾無賴，山似人情却
有餘。我亦西湖未歸客，重來應得問何如。

為陳天與大監壽

太史筆端雲似畫，老人星外月如規。十分酷似梅花瘦，一點非關玉瑄吹。諫草成山安用許，槐庭轉日未應遲。東風快使公須醉，莫問人間是幾時。

雪

日却山川凍出雲，踈踈先自竹邊聞。玉龍不動身千億，蒼筤無香瘦十分。髣髴夜堂餘火力，淒涼苑屋有人群。已知報荅東皇日，湯餅銀絲飯膾芹。

次韻李太博書羽扇亭二首

不許屏間著妓圍，却容半坐對斜暉。官餘戰馬渾無

用兩扼邊雲，故一揮詩入。邛崃應更險，身如杜宇肯
忘歸。慙慙瀝酒，蒼波外罷點。駝酥斫蟹肥。

艱難當不減腰圍，過盡瞿塘幾夕暉。萬里江山勞疾
置一畚書札在，親揮塵埃好却西風扇。行李仍從北
道歸，底處最關天下事。秋來馬不齒民肥。

再韻謝提舉蘇道山

手種梧桐一百圍，天生鸞鳳繫朝暉。西南人物惟公
在，汝穎風流祇涕揮。縱有詩筒怜苦李，豈無藥裹要
當歸。黑頭未用黃金印，且與斯民共瘠肥。

再韻謝晁郎中二首

病見春山四，打圍茅簷華髮只，暉暉不愁書冊無人
語強把杉枝爲客揮，意在未妨身更遠，林疎自是月
先歸，百年人物如公少，試問何緣道則肥。
故著文書盡底圖，要看江漢濯秋暉，眼明自可窮諸
妄，語妙何妨爲一揮，今日西州成故里，它年東閣許
同歸，胷中衮衮平生事，身瘦緣渠不得肥。

寄張欽夫知嚴州

未關西洛無宗旨，自是東家有故常，釋梵不爲寧過
計，江湖有道合相忘，交君一臂風千里，老我平生夢
幾場，雲月煙林真杜口，何如弟子列成行。

相沙三身卷二
試與專城定著勳，何曾閑冷坐忘君。舊來雲夢元無際，此段風流獨有聞。世故自怜生仲達，人誰不念故將軍。等閑莫露鞭笞手，準擬羶羊或敗群。

九日西湖

不須歸夢更成都，九日西湖病已蘇。試把黃花元自好，可憐白首不勝扶。誰邊醉帽風欹側，去底征鴻月有無。一夜撫心欣得後，來人物不如吾。

題劉夷叔詩藁後

蜜蜂於花似不薄，肥出兩股中。邊甜嗅香嚼，蠟總風味不損花艷。何其廉，劉郎平生墮香國，老鬢不下花。

飛粘可憐釀蜜不滿斛空餘穉乳誰家蒼

題道夫東征錄

老來氣味覺深穩餘子但知聲擊撞煙雲合千態萬
狀意氣吞五湖三江如聞日觀眇天下俯視坎井非
吾邦丈夫出門各一笑笑罷歸來心則降

史魏公壽

西風九日又黃花瑞霽朝來入相家四海幾人深雨
露一身隨處老煙霞北花宗旨依黃蘗鍊石工夫笑
女媧再拜願公千歲壽莫辭沉醉是生涯

楊郡王挽詞二首

智勇吾餘事，精誠死不刊。
太山安鼎衛，寶貨發泉端。
嫖姚俱前輩，汾陽老故官。
麒麟功第一，須作古人看。
乞得身閑日，仍煩卧護歸。
將軍三尺筭，天子一戎衣。
生死真談笑，功名愈發揮。
西風卷丹旆，人淚濕斜暉。

隸字

快劍翻秦後，崩雲稱隸豪。
山崖留鷲尾，塚刻數牛毛。
鐵入中郎腕，書非擇木曹。
萬金周鼎價，一字敢論高。

龍孫

自是龍孫貴，時方燕乳云。
錦綉無澣濯，玉立有仍雲。
未解吟風雨，應須赦斧斤。
滑州十萬甲，留以壯吾軍。

花瓶

輓轡聲中井花滿，亦有口腹如許，清百花叢中度朝
夕，一點不關流俗情。

題蕪湖吉祥方丈小軒

低著疎籬寬著天，春風不撼楚江船。無人爲掛屋頭
眼，明日清明花可憐。

與陳大監乞米

竈閒三日怒飢，面老去，一豪無。木腸走乞毗耶半炊，
玉歸來作舞，透繩牀。

史魏公放魚

試問恩波幾許深，一湖渾是史君心。
巨鱗細口重相見，雷電成龍去自今。

花笑

愛花無處奈花羞，著箇東風好譚休。
不是笑花花自笑，一春幾日得遲留。

鼠狼二首

業爲鼠技不能群，酷似狼貪却畏人。
敵血未乾猶竊粟，豈應秦了又生秦。

謾自狼貪只鼠嗔，壞牆穿壁已無鄰。
兒童愛惜狸奴慣，生恠蒼皇不近人。

和魏公洗硯

麝煤鼠尾要鑄汝頰面沃心誰似吾老子胸中十萬
讀莫年相煦復相濡

煎茶

午鼎松聲萬壑餘蒲團曲几未全踈春風肯入薑鹽
手不廢秋窻一夜書

彈琴

一鼓薰風至自鳥南再行新月墮瑶簪高山流水人猶
在笛弄梅花莫再三

茶香

遶國難雪，不須疑到齒餘香，亦解肥鼻觀舌根留不
得夜深還與夢竟飛

荷氣

一池芳日上簾鉤荷氣蒸人醉不取藕欲作舟花作
屋更和風露管清秋

青奴

青奴初不下房櫳肌骨玲瓏雪未中八月華胥人自
到可憐塵壁卧西風

落帽

老去塵沙兩鬢蓬
祗餘破帽裹西風
何人共醉黃花

底驚起，翻鴉趁斷鴻。

和趙制幹二絕句

四十五里鄰近寺，一十八盤容易山。竟日籃輿走風雨，七峯峯外見斑斑。

今年賢弟去貪佛，平日阿兄真愛山。肯使道肥詩則瘦，王孫人物未爛斑。

次平元衡菖蒲

祗許春水細有聲，不容燈焰惱黃昏。是爲白右清泉伴，乞與蒲團便梁根。

細如毛髮綠毵毵，寂寞無人共歲寒。萬壑千巖風雨

梅譜卷之六 六月坐中看

梅花

江南初見一枝春，隴月霜鐘亦可人。
不管玉堂岑寂，夜俱隨驛使馬蹄塵。

蜜蜂

兩股花多上粉鬢，趁衙去計未全。
踈窠脾一點香先透，萬斛醍醐總不如。

春寒

別院東風料峭寒，春衫已試脫應難。
黃昏却傍燈歸去，緩約花期幾日看。

私廣慧吊楮

慚愧先生有古風，歲寒庭戶不言功。
葉間朱實仍風味，老去清陰轉鬱葱。
收拾雨聲歸杵臼，放教秋意擅梧桐。
年來負爾人無數，異世同心只兩翁。

紫芝圖

坐誦行歌憶紫芝，江南有愧斷腸詞。
後於王母三千歲，始見商山十二枝。
日上寶光應倒射，柱間甘露足華滋。
吾鄉歲晚灘聲小，忠孝波瀾斷在斯。

府學二生求詩

翠栢陰中古泮林，諸生叢裏兩南金。
君今肯出淵騫

右我亦情知藉湜。心有一莖齧斯。可飽無三萬軸。若
爲禁明朝我亦東南去。莫雨江湖盡覓尋。

子規

荏苒春三月。聲聲何處尋。艱難悲故國。激烈動歸心。
血染紅英亂。身藏綠樹深。欲歸歸未得。故故傍人吟。

落花

閨苑春歸去。愁入有落紅。錦茵鋪地密。蝶夢遶枝空。
素艷隨流水。餘香散曉風。日斜深院靜。不見賣花翁。

百舌

聲聲何處學。得得爲春來。花底猶親切。人憐巧剪裁。

不容身穩密，且爲月徘徊。賴有黃鸝伴，慙慙喚得回。

和孫季和遊東湖韻

春風如少年，白首仍當歸。無端故園雨，更不留芳菲。
啼鳥倦晴晝，綠陰却餘暉。行尋脩竹寺，僧老青山圍。
兒童慣看客，飛手來開扉。白日轉雙轂，吾心無所依。
同來二三友，日亦掣電飛。憑高下不測，從我其無違。

送潘文叔兼簡李文投

趁得官閑，且載書，隔牆時喚子雲。居公如碧樹，有秋
意，渠亦清流。臨濁淤，蓋代勳庸，誠有種鑿空，道德竟
何如。寄聲楚觀滄茫外，壁月依然在太虛。

送袁和叔

孔孟堂深不可摩，却從伊洛晚經過。馬驕不受黃金，
勒鯨制還連碧海。波三釜祿親吾未老，一船貫日去
如何。江空木靜，年華晚應是斯文合網羅。

留姜山怡雲見訪二絕并呈李磐庵文授

怡雲未至，有人傳一笑。伽梨落半肩，夢裏亦知爲此。
客起來，歡喜不成眠。

天遣今年到五夫，還如雪後望西湖。磐菴老子今詩
伯紅葉盈庭，許屢書。

和潘經略廣州峽山五首

是身猶孤雲夢入巖下寺天如護蒼江山故插厚地
一舟巫峽來八月新雨霽烟鬟十二外野花或垂髻
雲山最佳處猿鳥無缺供人影墮清鏡花氣來晴峰
苔蘚上佛壁兔絲蔓寒松何年發天闕當在浩劫中
月林愛山日竹杖青鞋俱而今碧油合見山當緒餘
羶癘霜雪後桃李春風徒吾方友造物虐焰空焚如
髮白面黧黝平生舞魚龍落月照屋除髮髯見此公
白日幾黃壤世方定雌雄斯文在九牧吾道非天窮
自公湘中去鴈斷致書寡今年從默齋五字聞太雅
青燈話疇昔白首問茅價十里五里間水竹肯輕舍

題磐庵作玻璃窻二首

杜陵亦有天尺五雲母不似玻璃深西家鐘鼓謾勞
汝我自書卷中晴陰

晨曦入簷水到戶老子肉醉人眼寒博山一炷坐正
穩不許童穉褰帷看

為李方舟題東坡赤壁圖

大江赤壁黃州村魚龍吹血波濤渾腥風不洗賊臣
泪暗濕官樹旌旗昏城南啞啞一笑入愁日動地回
春温夜闌魑魅不敢舞璧月如水舟如盆客親饋魚
婦致酒北斗可挹天可捫當時跨鶴去不返水仙王

家真畫存百年畫史有眼力東坡曉掛扶桑暎

贈李磐菴文授

莫年東觀有全書天界斯文合定居鏡裏一莖無白
髮門前十里有黃淤文章入手無餘蘊不物于今固
自如安得把茅隣近住打門時復問潛虛

為王漕壽

十日西風便老成挽回金氣愈高明朱轡玉節非吾
事雪竹霜松不世情未可買山歸卜築却須持橐慰
平生如公骨相應仙去綠髮朱顏已有名

寄吳知府

夢中時一到湖山酷愛山雲侶我閑儘有新詩題葉
滿豈無流水逐人還經年晏坐追摩詰盡日提携欠
小蠻白首著書成過計何時椽筆為鋤刪

用前韻寄吳知府

知有堂堂在故山忘機未許白鷗閑洗心羲易窺三
聖盟手楞嚴辯八還勝著林花供笑粲喚回春夢行
懸壺聞公已是詩成集一字千金豈易刪

用前韻謝吳知府

聞道江南庾子山新詩脫手意長閑未嘗臨鏡嗟遲
莫更約何人共往還我有茅茨依橘柚自憐風雨竄

荆蠻悲歡怨懟三千首乞與無思爲一冊

用前韻寄吳知府廣德歸

好風吹夢到祠山造物乾忙我自閑五日頌聲今故
在，一春詩債共誰還。鼠肝蟲臂窺前輩，蝸角蠅頭戰
百蠻。遙拍行雲爲公說，由來此語不須刪。

送潘恭叔提幹往潭州省侍

父子湖海心歲月易波蕩長沙固艱難不在九天上
風塵護衣糞花柳謝屏障車行無多乘雷動有餘壯
閩風吾故游弱水恨新漲詩書飽丘壑翁事來獻狀
入門眎頰聞一笑披繒纊官他鳧鴈深洗盞發家釀

人生果何樂此樂天所况故山在何許夢寐或東嚮
公如問云何報我今跌踢

丹丘道中

綠遶溝塍水正肥誰家深樹有黃鸝只知夜雨扶犁
日豈識春風便面時白髮歸來須早計黃金散盡未
全癡孤雲又得無心力故國它山總不疑

春日懷湖上

前日山茶冰雪中東風得意試爲容桃花笑日面皮
破柳葉抹煙眉暈重簾幕風前斜入鷺色香叢裏鬧
團蜂湖山下夢殘燈火西子當年態正濃

送友人

雨意晚方足，秋來先送君。
橫拖七赤杖，劃破一山雲。
白紙憑誰寄，青燈此夜分。
空遺巖底石，蘿月漫紛紛。

荅張以道

阿兄書到，梁盡歲室懸磬，公無苦詩窮，我固待天定。
扶持共竹語，寂寞掃花筵。須公說江湖，小雨狎鷗眠。
蔣橘數百本，卜居東南崗。足書又足食，千里魚相忘。
功名丈夫事，步武青雲鄉。綠髮早歸來，釣絲理滄浪。

與應兄之西湖二絕

終日看山喚不回，却如山骨瘦歸來。
白頭未老青鞋

底無限，江南翠作堆。

它日西湖有此僧，年來怕見髮鬢鬢。一雙眸子清於水，想見新詩我不能。

橘洲文集卷第三

律詩

奉川道中四絕

千峰萬峰雲意動，十里五里溪聲喧。
人在昏沉黑甜裏，屋山烏鵲兩無言。

彈指聲中見彌勒，鼓琴安用識昭文。
青山步障五百里，猶有贈行南北雲。

夜宿樟林海邊寺，海風吹夢五更寒。
此身不似天涯近，枉作并州老淚看。

摘星黃漢在何許，淺水平山容易過。
未必山靈慣看。

客勸回俗駕柰渠何

答吳知府仲登見招三絕

一夜溪西喚客船，黎明十里走平川。
塵泥未辨湖山脚，更要長齋古佛前。

渡水穿雲已借書，蠅頭一日五千餘。
東家居士應憐我，白首那堪又徙居。

未暇雲山聖處行，茲游已復慰平生。
故林猿狖吾知識，木落霜枯也不爭。

寄趙宣教

却立群峯北望看，斷虹飛雨即家山。
一時別舸惟公

在半世清游比夢閒，卜築未嫌身老大。著書先怯眼
爛斑，湖西爲首菟裘地。歲晚連牆共往還。

錢德遠判縣與母同生日

西風一奏近闌韶，丹鳳將雛下九霄。忽憶山川繹錦
綉，又傳歌吹雜芻蕘。扶携共醉瑤池日，鼓舞同升玉
帝朝。一等壺中人不老，下方鵬鷗亦逍遙。

綵衣何似舞衣輕，鸞鏡還如水鏡明。百里絃歌歸有
道，一軒風月不勝情。口香知吮蓮華墨，山近聞拖蠟
屐聲。百拜一罇須竟醉，看飛鳧鳥上蓬瀛。

再答吳仲登三絕

芰荷如屋藕如船，聞道江山似輞川。
中有平章雲月手，慇懃招我爾來前。

案上如山下，一束書青燈歲月已無餘。
從來筆同夫人事，佛祖如何以貨居。

屈指何人共此行，涼風佳月可憐生。
天教兩足爲吾用，城市山林勿與爭。

題子陵釣臺圖三絕

隱約江天漢，客星夜深曾傍紫微明。
山川風物成遷變，猶有洪濤般嘯聲。

著我巢由稷高中，兩眉未暇笑吾儂。
斷雲凍雨嚴家

瀨寂寞何人理釣筒，
帝已龍飛我故魚。乾坤等是一蓮廬，夕陽曬却蓑衣。
了試問，妻孥有酒無？

題峴山圖三絕

不見輕裘快馬歸，遙憐暮雨濕公衣。
峴山十里城南路，燈火家家望翠微。

滌輦而今豈有知，滔滔江漢定何時。
無邊落日丹楓外，有客來看墮淚碑。

范子當年意崛奇，道人歲晚墨淋漓。
北風低草牛羊莫，會有人傳峴首詩。

與侍講程自靖州西歸會於江陵二首

不以中書老見疎，斯文成就合窮居。退之徹在潮陽後，子美貧於天寶初。絳帳歸來賓客在，玉堂有此丈人歟。片帆我已東南去，會見含香近紫虛。

古天下士亦多艱，魍魅於今合改顏。道在蓋公猶夢見，天憐賈誼得生還。夙休江北一聲櫓，春盡劔南何處山。故國異方身健在，也知書眼未爛斑。

次史魏公見招

幾年全主又全賓，萬里歸來詎此身。放出渠儂一頭地，始知雲月有閑人。

與明道者砌牆

吾牆高不滿七尺，牆身雖小，牆心直，亦如居士護法城，敢有踰垣德之賊，古人制度，今人爲朱蒼碧瓦，還差差黃金爲牆，白銀壁筒，中住處少人知。

題老融開牛圖

牛聞不可近，近則和爾觸，摩撫不動搖，愧此老齷齪。慰我有生意，憐渠無怒心，伊誰爲證據，斷崖楓樹林。

和吉祥致老二詩

白頭身老大，江南已約孤雲共一菴，有道故人今隔海，不應龍卧在深潭，編茅固作癡兒計，閉戶全勝俗

容談賸種木奴千百本不憂土銼冷松龕
茹屋三間自有餘置身不合在蓬壺誰知三尺子童
子解唱一聲于爲于割肉向來聞鷺股合尖余始見
浮圖傳燈事畢歸來好一歲風波幾日無

上明州高守喜雨

靜倚爐薰聽雨聲使君念慮在蒼生十分喚起群龍
睡千里如同一手耕新綠溝塍鳴布穀亂紅庭院著
流鶯禁林莫訝歸來晚待我豐年酒一行

送李宰免監鎮之官湘西

我自歸帆急鼓催君先一騎抗塵回誰知北海樽壘

底親見東軒長老來，執手試聽楓葉下打門終待藕
花開，孤燈一曲無公事，萬卷吾伊亦壯哉。

和蓬萊老之兄卓宣教見遺

要結靈山未了緣，山中草木亦欣然大江南北經年
夢，明月東西一夜圓，龍象而今非故我，功名自舌付
華顛相逢未必真，相似一嘯西風萬壑傳。

武林病中作

病闌無奈客塵嬰，百遶西湖夢不成，白髮自憐非故
我，青山何事亦關情，坡仙未死人安在，處士歸來或
有盟，人物風情皆若此，還將老泪月同傾。

見牽牛花有感

離落牽牛又著花，摘花心在鬢先華。
故園紅染薑絲在，安得緘封寄客槎。

上水道中聞鶯

人間七月火雲升，碧樹黃鸝亦可人。
啞咤一聲行道外，不知身在故園春。

和簡齋墨梅二首

爲憐玉色照前除，一室無因舍靜姝。
寄語客卿煩想像，萬花困苦乞爲奴。
風物凋零欲盡年，此花黑瘦固應然。
暗香疎影渾無

願爲我中分亦可憐

曹娥廟

我初不作婆婆夢，予亦能知波險無。
風卷潮來壯鬼在，行人醜酒濕庭梧。

婆餅焦

探得東君第一籌，畧無風味笑鳴鳩。
聲聲苦道焦婆餅，往往人傳嫁橘洲。

平江靈巖

山斷湖光送一川，老師角黍過年年。
春風步屨長塵靜，只有鐘魚取次傳。

題平江范右湖橋壁二首

經綸初不礙躬耕，更復緣誰太瘦生。
莫問雪堂人在否，石湖依舊小橋橫。

天與湖光鏡樣平，道邊野草亦知名。
鄰翁莫訝歸來晚，未必山如錦瑟清。

餘姚江上

山入春江雨不收，江寒得傍翠雲裘。
誰家山影風帆轉，悞作梨花一段愁。

泊分水

櫓聲伊軋訴東風，楚語吳歌落枕中。
夜半潮頭隨月

上客帆和夢各西東

苦雨

急雨淅淅日春泥盎盎中
履聲喧午枕人語泣西風
斗米余糶盡鄰翁杼軸空
無因詎真宰吾道竟須東

江閣

山影隨人盡江流入地深
乾坤孤客泪桃李一生心
落日牛羊渚春風桑柘林
南留滯意聊試小棠陰

喜雨

麥吐經時雨爐熏一寸雲
葉邊先策策月墮故紛紛
待趣詩翁語何曾菜色聞
問天渾小試吾欲張吾軍

別楊道夫二首

當道紛豺虎逢人說象龍
一時餘砥柱何處見霜鐘
諸子方嗤黠吾行未缺供
大方同一笑鵬鷄各春容
小上魚舟去懸憂馬足踈
我方鋤刺語公亦喜成書
絮帽風驚折綈袍意有餘
孤雲日邊路時與問何如
樓與善寺丞挽詩二首

半世功名在誰爲磊落人
上方憐我直公亦愛吾身
一笑知天近頻年厭馬塵
把麾江上去得與客星鄰
翰墨今詞伯規模古
吏師哭親聲未斷
拊枕夢何之
白首侵書幌青燈耿總帷
傷心故園路雲物不勝悲

魏隋夫丞相挽詩二首

未必山東相，能留塞北聲。一身扶國是，九鼎重吾盟。
水鏡人材地，風流月旦評。早收霖雨去，屋角看春耕。
青雲紆郡紱，白首費符移。即墨仍飛語，翁歸不受私。
凋零唯舌在，汗漫付心期。手種棠前柳，東風學畫眉。
詩挽曾舍人張氏二首 代父

一代稱賢母，斯文屬故家。大閨欣有相，吾質靜無華。
久已如深定，真堪駕寶車。餘生固無憾，衰動及鄰娃。
我豈長貧者，終當以儉名。諸郎方佩玉，夫子亦專城。
盛德容追想，吾家失老成。東風在蒿里，疑睇不勝情。

興化存公作竹林新亭望菴雪村二老

同賦次韻

西舍東鄰杼軸空道人滿腹貯清風竹林笑指歸來路約與禽魚一飽同

年來幽事慰心期已有溪雲鬢髮知不似山南似山北直須拄杖叩門時

成都信藏主來送行參足菴

又得南方一信歸君臣父子却饒伊五年乳竇峯前路曾把虛空碎一碓

歲晚何人爲指南手中扇子是同參雲門未見乾峯

日與子如今恰一般

和雪林訪二山

平生閱世劍一映老去卜鄰吾三人亦許白雲來著
宿夫妨青襪去尋春泉鳴石瀨聽逾好雨浥巖花笑
轉新更欲買田招鶴住問渠誰是自由身

渡錢塘二首

潮生西浦未全平頃刻潮回岸有聲落日人從官渡
去西風誰識此時情不如吳越中流盡贏得汗山老
眼明試問古今沙上路幾回相送復相迎

身是行人意未平江頭已斷午潮聲旋收去國無邊

淚聊寫臨風有限情。家住青山何處，是眼穿白鳥去邊明。去年今日，淒涼意，猶記梅花一笑迎。

夜過鑑湖用前韻書所見

湖光晚作鏡樣平。寂無入聲，唯櫂聲。群峯倒影不可辨。新月半鈎如許，情斷蓬散。作鳧鴈過漁火，靜入江天明。移舟快得一枕睡，夢有河神來送迎。

過曹娥江

錢塘雪浪與天平。小入曹娥，亦有聲。滄海一時忠孝淚，夕陽無盡古今情。春秋祭血神如在，一夜行舟挽到明。不是西風白雲客，祠烏爭解賦將迎。

泊通明堰

一夜江風故不平，道邊草木亦成聲。豈無老子知津
意，尚有秦人逐客情。荒縣已傳三鼓下，並船猶見一
燈明。此生已悟身如寄，始送鴻歸又燕迎。

簡史子由主簿

君歸意定氣逾平，莫學秋蟲泣露聲。少日斲凋須妙
指，莫年深穩見真情。爲憐古井無波日，試挈銅瓶侍
月明。獨抱斯文慰幽寂，莫辭萬象與逢迎。

和張功父寄陸務觀郎中

新詩老去合名家，猶喜春風在鬢華。恨徹斯文無雪

處竟將好語向誰誇，自知人物隨時盡。獨倚欄干到日斜，問訊故人今健否。東籬明日又黃花。

黃待制病中以詩寄之

字元吉

故山餘地亦嶙峋，中有掖垣梧十尋。自是萬金醫國少，人皆三事望公深。茂陵多病書成秩，季子來歸雪滿簪。試與共觀天下士，彌縫一世果何心。

詩逸史魏公

抱負元鷲世，飛騰正及辰。眼空天下士，坐穩日邊身。器業真王佐，詞章動帝宸。錦衣雙白髮，母子即天人。

在昔功名會凌煙，有老臣幾人扶日月。一角見麒麟，
共泣中原泪。寧爲去國賓，西風幾黃壤。松柏獨輪囷。

三

一語回天力，終年困五丁。時方相司馬，吾不愧元齡。
遊奏逾金石，斯文粲日星。幡然霖雨手，猶帶御爐馨。

四

十載江湖上，三從北闕歸。官花歌帽側，玉帶重腰圍。
爲客黃金盡，凌空寶墨飛。夜堂燈火冷，猶下讀書帷。

五

爲帝先驅日，非吾舊學誰。玉京真可樂，夜壑不勝悲。

墓木行人拜庭蘭造物知
臨風三慟哭天亦爲低垂
詩挽陳提刑

清苦諸生節廉平御史知
一飢肯忍可千里全兵公
誰落落天人際拳拳骨鯁詞
秋風又凋物空有老成悲
右

少日牛力在中年玉節新
平生無憚吏老去只憂民
西泝身猶健東歸跡已陳
丹丘方在夢喬木想輪囷
右二

和陶彭澤詠三疎

人生天地間賓鴻自來去
歲晚洲渚空稻梁適歸趣

秋風在羽翮，吾寧且高舉。老倒商山翁，爲人作師傅。
二疎於此時，都人壯歸路。登車一慷慨，旣誰復顧。
黃金壽故人，不爲鄉曲譽。明朝問其餘，麴蘗最先務。
徑醉無缺供，餘歡話情愫。賢愚貴通達，父子無悔悟。
先人有弊廬，衣食不足慮。此道今寂寥，寄聲謝朝表。
中庭霜夜月，明如晝。劾李長吉體。

庭空若無地，霜月不自寒。姮娥天上人，臘月猶冰紈。
放開玻璃鏡，轉向碧玉盤。人間水晶域，萬象梨花園。
骨冷不成寐，起行自繫珊。巡簷不敢下，恐墮汗海寬。
沉瀣入毛骨，清風生肺腑。所有鶴東南來，飛鳴墮我前。

吾與汝仙去仙家無歲年

賦楊知縣道夫四知堂

萬家即吾廬一室誠吾身窻明古肺腑筆立真人
心語駟犇軼風行牛鬪嗔吾今亦忘我何者爲一塵
起看羣角懸聊當座右箴我初衣壤紫疾驅荆棘林
鍼孔與線蹊老眼親補衲而今著襦袴左書而右琴
吾兒亦溫飽鞭箠亡呻吟唯餘故時習詩病山水濞
會當更被除兩楠共森森

送伯才伯仲之官施知縣

浣花溪頭春可憐兩鳧一鳧飛上天曉窻清淨易一

卷兄弟過午無炊烟太是白首古人上小是綠鬢東
風前簡書不畏畏泥濘黃金汚人須棄捐故山民病
公所見門前萬里東吳船曩時雷電泣真宰後世兒
女戒孀然人生固有浪自許毛髮便窺肝膽全主家
無地置絃索妾身已爲他人妍相携感慨一墮淚唯
我與汝非同年出門大笑亦不惡此意嘿寄飛鴻邊
送傳道士燕呈具明可給事

往時木斗供一沃既醉而顛顛可小得錢乞入如棄
泥風雨叢祠夜深宿省中諸公六士輩貴人只許丞
相獨入門穿靴一脚泥函金便要道士服虎皮冠兒

象牙簡感恩扣齒三十六今年來自鐵柱宮道許旌
陽猶萬福連燈並牀一月語拊枕歌吟聽不足有時
得酒不肯醉醉裏親言道機熟南昌史君有仙骨我
欲憑風一薰沐崇真坊中歸去來卧聽玉龍吟一曲
仰韓堂連守所作謝良齋爲之記取
退之陽山縣之詩以名蓋先作讀書

林後爲此州

在昔桃李縣而今松桂林是誠五馬貴足此萬卷心
有久夢得鹿早日果可尋斯文天地間皎如月長臨
東海鰲哭怒衡山雲漲深精誠不可觸豈知鶴在陰

樹影陳燕几，松聲雜瑤琴。亦有牙鼓搥，不妨絃誦音。
俛仰道德意，核除文字淫。故家事業在，無使霜毛侵。

史魏公蝸室

兩趺尺寸地，屹立萬夫目。四海霖雨心，漑霑一夔足。
何曾動聲氣，萬象意沈縮。譬如雷蟄藏，春風不虛辱。
世界如許大，猶吾體中粟。是心如許寬，不著世間欲。
散花果，無地拈卷，或可熟好鳥。如可入，射睡勿驚促。
八風吹得行，顛倒任振觸。

和山谷賦黃迪墨竹韻

平生黃太史，翰墨四海知。風流過脩竹，自棄忽若遺。

豈伊歲寒，算似我槃礴。時此君不解語，風雨扶持之。
夜窗或蕩撼，燈火皆疑危。龍去恐拔屋，呻吟欲勤追。
摩挲古屋壁，想像還依稀。憐公讀書瘦，愛竹何緣肥。
飲盡三斗墨，半梢或相宜。爭如鴟夷子，一舸容西施。
歲晚意浩蕩，江湖相倚毗。雲幢與煙節，異致仍同歸。
多應黑瘦語，絕倒黃初詩。君家百斛力，不解增僕眉。
榮枯各本色，王林亦神馳。我欲學揮掃，十年以爲期。
胸中富千畝，二鳳當來儀。簫韶久不作，此恨常依依。
會須歸故國，夜夢而晝思。庭空月欲落，斯文還在茲。

橘洲文集卷第三